

Segun Yvonne Webb di Departamento di Monumento

Renobacion y construccion na edificio di Corte ta bayendo segun schedule



ORANJESTAD – Renobacion y construccion na edificio di Corte ta bayendo segun schedule, bayendo pa su di 42 siman. Apesar di algun contratiempo, tur cos ta mostra cu lo por cumpli cu e proyeccion pa finalisa esaki den dos aña di tempo. Esaki ta loke Yvonne Webb di Departamento di Monumento a duna di conoce na momento cu Minister Presidente Mike Eman y Minister Benny Sevinger a bay inspecciona e area.

A logra haci varios cambio den e parti di e edificio bieu cu mester wordo renoba mientras cu e fundeshi y parti di un construccion

patras unda ta bin e oficina y salanan di Corte, ya caba ta avansando. Un estorbo na inicio tabata e yobida cu a causa un stagnacion di 30 dia. Otro contratiempo tabata e tres spelonknan cu a wordo descubri y mester a adapta e fundeshinan cu mester a construi eynan, poniendo concret nobo. E pos historico cu a wordo descubri lo wordo restaura. E edificio monumental aki ta wordo adapta pa por funciona den e mundo di awendia. E parti patras ta un construccion completamente nobo. Tur esnan envolvi ta sigur cu na final e lo bay ta un joya di un edificio. □

